

SOLIS AD OCCASVM REGI SVBIECTA PHILIPPO PARVA TIBI MONSTRAT PVLCHERRIMA REGNA TABELLAC



Regnum hoc magnificentissimum vndiq; alluitur mari, excepta ea parte, qua Galliam contingit, ibi altissimis montibus, quos Pyreneos vocant, separatur à Gallia. Appellantur autem montes illi Pyrenæi à crebris fulminibus ignibus, vel quòd sylvarum in Pyrenæo frequentes & habitationes iniecto à pastoribus igne præsci temporis flagrauerunt, durante autè incendio aliquot diebus, ex montium concussione cœperunt descendere stillicidia argenti liquefacti, & cum habitatores illorum locorum vsum argenti non haberent, contemnerentq; metallū illud, superuenientes mercatores à Phœnicia, emerunt vilibus mercibus magnam vim argenti. Diuisa fuit olim Hispania in tres prouincias, Beticam quæ hodie est Granata, Lusitaniā quæ nunc Portugalliā vocant, & Tarraconē quæ hodie cōtinet Cataloniam, Castiliā, Nauarram & Galliciam. Fuitq; (si Iosepho & Beroso credimus) Tubal Noë nepos primus Rex Beticæ, extruxitq; in ea regione ciuitatē quam à se denominauit Tubal. Hic operam dedit rei pecuariæ, sicut omnes primi patres pecoribus alendis studuerunt, quæ & victum & amictū homini ministrant. Hinc quoq; putant maiorem Hispaniæ partē appellatā Tarraconem, quæ cum Hebraica vox sit, Latine boum possessionem significat. Successit Tubalo in imperio Iberus, à quo fluuius quidam Iber est appellatus, & adiacens regio Celtiberia, Betus à quo Beticæ Hispanus seu vt aliqui malunt, Hispalus à quo tota terra postea denominata est Hispania. Hesperus à quo eadē terra Hesperia dicta. Lusitaniā à quo Lusitania. Postea quæ verò Romani sibi subiugassent Hispaniam, diuisa est in duas prouincias, Beticam & Tarraconensem, durauitq; particio illa vsq; ad tēpora Attilæ, tunc rursus alia administratione Hispania est gubernata. Nouissimè sub Saracenis discriminata est in quinque regna, Galliciā, Nauarram, Castiliam siue Legionē, Cataloniam cui & Arragonia annexa est, Portugalliam, & Granatam, porrò Gallicia non diu proprium & distinctum mansit regnum: sed amisso legitimo hærede, incorporata est Tarraconensi. Alij adhuc plura numerant regna, Valentia, Toleti, Algarbiorum, Murtiæ & Cordubæ, nostro tempore omnia hæc regna in vnum contracta sunt, præter Portugalliam quæ proprium habet regem. Habet Hispania septem Archiepiscopatus, quorū sedes sunt in Tarracone, Cæsaraugusta, Toletum, Compostella, Brachara, Vlixbona & Granata. alij nouem ponunt, sub illis tunc autem plurimæ episcopales ciuitates. Modico interuallo distant Granata & Mauritania, namque ibi ingreditur Oceanus per magnas angustias in mare Mediterraneum, vbi & duo montes eriguntur in cœlum, vnus in Mauritania qui Abila vocatur, & alius in Hispania cui nomen est Calpe, & hi à quibusdam vocantur columnæ Herculis, putantq; olim vnum fuisse montem seu saxum perpetuo iugo cōiunctum, quod Hercules suo robore perfregerit, intromiseritq; Oceanum in ipsam terram. alij insulam Gades asserūt fuisse Herculis columnas, tertij in Gadibus fuisse templum Herculis, in quo positæ fuerint duæ æneæ columnæ altitudine octo cubitorum in quibus signatus fuit sumptus pro ædificio illius templi factus: & nauæ ibi Herculi sua soluerunt vota. fuitq; locus ille secundum veterū opinionem finis Mundi, nec ausi fuerunt Hercules aut alij longius naues ducere in Oceanum citra vitæ periculum. Est autem Gades insula parua, habetq; tam pingua pascua, vt nullum serum à lacte segregent, sed cogantur affundere aquam, cum lac in caseum coagulare volūt. Multis quidem in locis Hispania inculta iacet, idq; ob saxum fundū, vel ob solitudines squalētes, aut ob alias causas, quamuis multò quàm Africa sit fertilior Suppeditat tamen Hispania multis in locis abundè ea quibus homo opus habet, vt sunt frumentum, vinum, fructus, oleum, pecora, linū, ferrum & metalla, mel, cæra, piscosæ aquæ, & similia. Non coquūt salem, sed effodiunt e terra. Non fatigatur terra tor ventis vt Gallia, nec inficitur aër pestiferis paludib. ac nebulis. Aurum, argentum & ferrum bonum & probabile nullibi in tanta copia vt in Hispania est inuentum. reperta namq; olim in Hispania sunt fragmenta auri depurati magnitudine dimidiæ libræ. Est & semper Hispania equorum pernitate commendata, quos leuis armaturæ equites tibijs contractis pulchrè obequitant. Nomen magnum ab aliquot annis bellica fortitudine Hispani sunt adepti plurimis ab hoste partis victorijs, vt qui laborum, sitis & famis in acie sūt tolerantissimi, & in stratagematibus cautissimi, leui corpore, vt facile hostē fugiant & sequantur. Oceani nauigationibus ad incōpertas regiones toto Orbe sunt clarissimi. Habentur etiam Hispani in religionis ritibus turra mortales omnes supersticiosi, per regis solium & vitam eius gentilitio more iurantes, & osculo manū in salutationibus supplicāt. Porrò de moribus & ritibus antiquorum Hispanorum Strabo & Posidonius mira scribunt.

HISPANIA - J. BUSSEMACHER - QUAD - 1590

composé par le Sr de Reims & Sohn n° 59 de la Rue de la Harpe
 lot n° 3333, conjointement avec le map de Portugal
 de Quad, tiré par 315.7 O.M. (équivalent à 34.37000)
 n. n. carte par 17.185400

3333 / 2